

桑園圍總志（四）

（清）明之綱
（清）盧維球

纂修

CHUNG HWA UNIVERSITY PRESS
中興大學出版社



桑園圍總志（四）

（清）明之綱
（清）盧維球 纂修

出現社會



桑園圍甲辰歲修志序

事無鉅細惟功則傳非欲炫其功也蓋一事也而天時之變異在其中人事之經畫在其中工力之艱難瑣屑亦在其中迨乎厥功告成身其事者幸風雨無虞而綢繆匪易遂欲條舉端緒以質來世南海桑園圍亘百餘里待衛田廬者數十萬家甲辰夏雨漲堤決田與水俱予爲之請欸籌貲率都人士鳩工畚築填蛟窟峻虹基培蟻漏久乃保障一新而田疇復舊予旣記之刊諸石矣今春何子子彬手志一卷請序於予自始事以迄竣工綱舉目張如指諸掌俾繼此者有所遵循而不廢厥志尙已嘗謂唐休璟能知河防酈道元作水經注乃心

民瘼卓哉古人諸君子力挽波靡砥柱中流他日建防
秋之策普利羣生其時尙有待其事顧異人任耶而予
竊有幸焉自黑蜮肆虐以來予徧歷鄉陬親瞻疾苦波
濤澎湃時縈寤寐茲乃承乏廣熙行且往矣緬乎堤柳
毵毵良苗一碧未嘗不撫摩憑眺流連不忍去獲此一
卷藏諸篋笥暇復展閱而某水某山神與俱往更不啻
與諸君子口講手畫時也此又欲搦管而躍然心喜者
也爰綴數語於簡端云

道光二十七年丁未季春羅定直隸州知州前知南海
縣事史樸序

桑園圍甲辰歲修志序

嘗讀相國阮公

元

桑園基圍一碑未嘗不歎其措置之

允當也始則倡捐集事繼則籌欸歲修嗣因伍氏盧氏捐建石隄議者遂以爲一勞永逸而歲修之欸改爲報部備撥矣繼又改充捕盜經費矣記曰有其舉之莫敢廢也胡迺弁髦前事而安竟忘危耶予於丙午冬蒞任南武前任史侯重以培護桑園基圍相屬繼則接見彼中紳士詢悉端委得觀所輯甲辰大修志三卷益歎其經理之艱而有備無患也予謂率眾鳩工不難於勤以集事而尤貴公以服人桑園一圍界聯南順計畝起科宕延攻訐何紛紛也是當扼其要領祛其蔽痼公爾

忘私其爲今之第一吃緊者乎首事何君等以序言相
誣諉守土之吏責無他讓以今日言之堤堅且固矣而
患起忽微計須經久予當與諸君子交勉而力持之以
期洪流順軌永奠苞桑無愧經始之前賢而可作後來
之準則也是爲序旨

道光二十七年歲次丁未仲夏之月

賜進士出身知南海縣事山左張繼鄒譔

桑園圍甲辰歲修志目錄

撥款

義士捐築水基事附

起科

修築

培護

基段

渠竇

粵東省例

同治庚午採入

桑園園總志

凡例

一修築園基工費浩繁先事之圖莫要於籌款而我桑園圍修築經費除支領歲修銀兩外惟有捐派一途爲永遠遵行之法查舊志只附見於奏稿中今分爲撥款起科二門將經行成案詳細分彙編入庶閱者一目瞭如

一自癸巳總修園志已案照甲寅癸未等舊志將全園繪圖註說茲無容再述惟此次修築林村缺口工役最鉅而半跨半圈之法亦當詳細紀述使後日有稽故附見其圖於修築門中而其餘從畧

一本園自乾隆五十九年甲寅大修以後皆通圍均派

按畝起科南七順三向無翻異故將各堡額銀若干收繳若干悉行詳載而太平沙希圖免派一案亦附入焉

一興工伊始例由地方官暨總局紳士公同估價該管業主領回修築如額銀浮於估價仍須繳銀估價浮於額銀仍須補價向有舊章而各堡聚訟紛如復多希冀故於修築一門詳載基段之險夷估値之多少而李麗林等停工勒補一案悉附於篇

一缺口旣已興修單弱亦宜培護而鉅工旣竣各堡尾欠又復拖延蟻穴潰隄能無悚懼故立培護一門詳載基段險要頂衝處所宜落石若干價銀若干

而各堡尾欠宜亟繳爲落石之用者亦附載焉

一癸巳圍志於圖說門已將各堡經管基段丈尺詳載而此次潘卓全等仍復以誼造新志改易基段爲言希圖卸管故於書內仍立基段一門詳載此案使後人無從翻異焉

一癸巳圍志只據甲寅志纂修於各堡村鄉下僅載竇聞有無而已而於疏濬修築章程一切遺漏每當興工領費異議煩興因別立竇聞一門搜採經行成案詳細紀述庶日後有成法可守

一此次修志只載甲辰修築章程其甲辰以前具有成書無容更贅而亦有事關要工而前書失於採取

者間亦補入各門之內以免疎漏

桑園圍甲辰通修志

撥欸 義士捐築水基事附

按修築之役工鉅費繁宜先籌欸而我桑園圍
自甲寅大修以後大抵皆按照各堡條銀多少
派定應出額銀或從富戶捐輸或由民田科派
各隨其便如是而已然田經淹浸民力彌艱勸
捐則人苦逡巡照派則勢多延宕欲卒興版築
其道無由貽誤基工靡不緣此自嘉慶二十二
年 前兩廣總督阮 廣東巡撫陳 奏准借
帑八萬兩發當生息每年以五千兩歸還原本
以四千六百兩畱備歲修俟清還本銀之後其

五千兩畱爲通省籌備隄岸之費其四千六百兩仍爲本圍歲修之資歷年領支具有成案自嘉慶二十四年經盧伍二商捐銀十萬兩將本圍險要處改建石隄可無連歲崩缺之虞因將此項息銀暫行停支而許別圍借動事竣仍分年徵還畱貯司庫以爲桑園圍歲修本欸故道光十三年三丫基再遭崩缺前後借動庫銀四萬餘兩經前兩廣總督盧奏准將一萬六千餘兩從本圍應得歲修息銀開銷餘二萬三千兩於自後每歲應得歲修銀扣抵是以全圍克鞏民慶更生茲者甲辰五月夏潦非常冲缺

林村等各基至拾餘處闔圍紳民籲請撥欸興
修後蒙 藩憲傳 撫憲黃於給領各官捐廉
八千兩外撥給歲修銀壹萬兩趕緊開局興築
以濟要工而後各堡科派之銀乃得陸續奏收
以竣厥事是知歲修一項真我桑園圍四百里
內南順兩邑之命脈而前後列憲軫念民依凡
所以出之波濤之中登之衽席之上者恩至渥
謀至周也謹將前後稟稿文移詳加編輯以示
來茲云

稟列憲籌撥欸項公呈 南海縣桑園圍舉人馮日初
明倫潘漸達洗文煥何子彬李謙揚潘夔生黃亨陳韶

崔藻球崔維亮譚璐梁作楫梁植生潘以翎鍾澄修朱
文彬明之綱朱堯勲朱次琦黎國琛關景泰余朝憲余
秩庸馮汝棻梁謙光程貴時陳榮李徵霽程師儉潘佐
堯梁懷文陳文瑞張清徽蔡詔李文照黃仁黃溥程師
道梁策書張錡崔茂齡劉宜秩黃之冕潘斯濂關肇基
武舉李應揚吳樂榮關定揚陳廷獻貢生陳上齡朱庭
森麥穎梁上清關鸞飛譚楷盧乘光蔡鳳華鄧翔趙允
顯郭傑潘芳潘爲霖崔丹生員譚彥光崔令儀盧維球
梁照垣李升黎芳張桂楣潘燦光潘斯湖潘冲漢陳開
運陳觀濤朱宗琦關森桂曾冲漢關昌言曾中立曾鑑
瀛何如驤何玉梅何德垣何如鏡何作垣何亨陳華澤

陳治同關瑞溶關俊英陳嘉言余暉梁觀光李應剛蘇
應銓程翔萬郭天驥郭際清麥穗歧洗瑞元陳鑑光麥
翹張紹華梁載鉷麥湛清陳祖銓黎景瀄譚顯龍胡積
輝潘廣居潘縉儒潘志典潘文佩潘麟徵黎銘秋左垣
鄧泉蔡瑜武生岑鳳揚黃灼英李鳳翔李芬陳瑛陳廷
安程錦泉程國安職員老兆勝馮泰開監生梁炳中譚
炳桂關靄彬何濂陳森陳持衡陳翰書耆民程彪蕃程
饒蕃程必蕃關陞鄧仕同陳永泰梁建昌潘永盛馮世
盛潘耀璣梁觀鳳梁萬同張裕賦余振剛 俱係南海
順德兩縣人抱告馮陞 呈爲基工浩繁捐派無措聯
請籌撥欸項及時修築以救糧命事切日初等桑園圍